

Naqqiut

Siunnersuut 13. august 2019-imeersaq taarserpaa

Tungavilersuut

Saqqummiussissutip kalaallisoortaani aamma qallunaatoortaani qulequttat naqqinneqarput kiisalu oqaaseqatigiit ataasiakkat naqqinneqarlutik.

Uunga siunnersuut: Piniarneq aallaaniarnerlu pillugit Inatsisartut inatsisaat nr. xx, xx. xxx 2019-imeersaq

(Aalisarnermut, Piniarnermut Nunalerinermullu Naalakkersuisoq)

Saqqummiussissut

(Aalisarnermut, Piniarnermut Nunalerinermullu Naalakkersuisoq)

Siullermeerinnineq

Naalakkersuisut sinnerlugit matumuuna piniarneq aallaaniarnerlu pillugit Inatsisartut inatsisissaattut siunnersuut saqqummiutissavara. Kalaallit Nunaanni piniarneq aallaaniarnerlu pillugit Inatsisartut inatsisaannik paasiuminartumik, ullutsinnut naleqquttumik atoruminartumillu pilersitsinissaq, piniarnermut aallaaniarnermullu inatsimmi pingaarnertut siunertaavoq.

Piniarneq aallaaniarnerlu pillugit Inatsisartut inatsisaannik atuuttumik 1999-imi akuersissutigineqarsimasumik, kingornatigullu pingasoriarluni allanngortinneqarnikuusumik 2008-imi kingullermik pisumik, siunnersuut nutarterisuuvoq. Piniarneq aallaaniarnerlu Kalaallit Nunaanni inuiaqatigiinni pingaarutillit ilagaat, nunallu piniagassatigut pisuussutaanik pissusissamisoortumik nungusaataanngitsumillu atuinissap kiisalu aningaasaqarnikkut suliffissaqartitsiniarnikkullu mianerisassat qularnaarumallugit maleruagassanik peqarnissarput pingaartuuvoq.

Piniagassat nungusaataanngitsumik tungaveqarluni atorneqarnissaasa qulakkeernissaat siunnersuummi matumani Naalakkersuisut siunertaraat. Ilaatigut kinguaassatta piniagassanik naammattunik peqarnissaat ilaatigullu tamakkiisuusumik isigisumik piniarnermik inuussutissarsiu tip ingerlatiinnarneqarnissaa qulakkeerumallugu. Uumasut pisuussutit naammaginar tumik illersorneqarnerisigut anguniakkat taakku taamaallaat akuneqarsinnaapput.

Tamatuma saniatigut piniarneq aallaaniarnerlu pillugit maleruagassanik unioqqutitsisut, inuit suliffeqarfiillu, nakkutilliinermik oqartussaasumit kinguneqartitsiffiusinnaanerisa ajornannginnerulersitsisussanik periutsinik nutaanik arlaqartunik Kalaallit Nunaanni Aalisarnermik Akuersissutinik Nakkutilliisoqarfiup peqalernissaa siunnersuutikkut siunertaavoq. Nakkutilliinermik oqartussaasoq sunniuteqarluartoq, illersorneqarsinnaasumik pisuussutinik atuneq pillugu takorluukkap piviusunngortinniarnani attatiinnarniarnanilu pingaarutilerujussuit ilaattut Naalakkersuisut isigaat. Taamaammat piniarnerup aallaaniarnerullu sunniuteqarluartumik nakkutilliiviginissaa ingerlassinnaajumallugu,

nakkutilliinermik oqartussaasup sulinermini atorsinnaasanik nutaanik peqalersinnissaa pingaaruteqarpoq.

Taamaalilluni inatsisissatut siunnersuut innuttaasut oqartussallu pillugit ullutsinnut naleqquttunik paasiuminarnerusunillu maleruagassanik pilersitsinissamik kissaateqarnertut kiisalu piniarnermut aallaaniarnermullu inatsimmi atuuttumi amigaatit pissusissamisuunngitsullu iluarsineqarnissaannik kissaateqarnertut siunnersuut isigineqassaaq.

Erseqqissarneqassaaq piniarneq aallaaniarnerlu pillugit inatsimmi atuuttumi aalajangersakkat amerlanersaat uani siunnersuummi allanngortinnagit ingerlateqqitaammata. Nutarterinissamik aamma inatsimmik nalilersuinissamik aaqqissuinissamik kiisalu Inatsisartut inatsisaata ataqatigiinnerusup, Kalaallit Nunaanni piniarnermut aallaaniarnermullu pingaarnertut toqqammavinnik aalajangersaasut, qularnaarnissaanik siunertaqarluni siunnersuummi aalajangersakkat nutaat piviusunngortinneqassapput.

Taamatut oqaaseqarlunga siunnersuut Inatsisartuni oqallisigineqartussanngortippara.

Qujanaq.